



## PRINSEBAL

Zaterdag 16 fibberwarie waors toch 'nne apaarte aovend veur uzze Prins Ivo. Zoe wie veer dekser hure is deen aovend veur edere Prins apaart. Nao tot alle aajd Prinse ziech geprizzenteerd hadde mèt hun aw Prinsemötse, kaom es lèste Prins Ivo I en zien Maud de dansvloer op vaan Danssjaol Bernards. Richard Boelen weit es geinen aandere wieste de lui op de tegele vloer vaan de danssjaol kreigs: meziek...meziek...meziek. En wie Richard eve ging stoppe, dachte veer te kinne goon röste, oetbloze, pèlske drinke en get awhore. Meh dat fees ging neet door, want wie Richard opheel, begos 't orkes Dance On. Allemaal weer de vloer op. Deen aovend maag Prins Ivo op ziene palmares bijsjrieve es 'n spektakelstök vaan de bovenste plaank. Hei leet heer zien tot 't ziene aovend waors en dat heet ederein neet allein gemerk en kinne zien mer hōbbe v'r allemaol v a n hōom genote.

**Prinsebal**  
CV de Mosasaurussen  
Zaterdag 15 fibberwarie 2020  
**in Tapijn**  
aanvaank: 20:30 oor  
Izaal ope: 18:30 oor  
Orkes: **Captain Shimy**  
Visco Tropical  
Entree: € 15,00  
Verkoopplaats:  
• Haarvezorging Frijns, Luikerweg St. Pieter  
• Service Centrum St. Pieter, Olaaisweg St. Pieter

## ZJUBILARIS(SE)

Dit seizoen hōbbe v'r twee zjubilarisse, naomelek uzze Iere-President John Hardy, dee mer effekes 5x11 jaor aontik en uzze President Jordie Nulens, dee 1x11 jaor achter ziene naam maag sjrieve. Yeh, eigelek drei zjubilarisse, want de vrouw vaan Jordie, Karen is ouch 1x 11 jaor Mooswijfkes. Op vrijdag 15 november woorte zie mèt alle egards in 't zōnneke gezat.



## Programma

Daatum	Aktiviteit	Lokasie	Tiedstip
za 25/1/2020	Oetrope Mosasaurussen	Viefsprunk	14:11 u.
za 25/1/2020	Same ete mèt de Prins en gezèllege aovend	Treech	18:11 u.
za 1/2/2020	Seniorenmiddag	Tapijn	13:33 u.
za 8/2/2020	Steunberen	Treech	20:11 u.
za 15/2/2020	Prinsenbal	Tapijn	20:33 u.

## ETE MÈT DE PRINS EN AFTERPARTY

Nao de Prinselekkere receptie goon veer allemaol naor Treech aon de Maos. Ederein maag mèt en is welkom en kin daor friet mèt zoervleis krieger veur € 11,11. Wèlt geer dao gebruik vaan make? Maak daan iers 'n risservasie bij [treechaondemaos@gmail.com](mailto:treechaondemaos@gmail.com). Nao 't ete make v'r nog 'nne leuke en gezellege aovend devaan.

# Carnavalsvereniging

# de Mosasaurussen

1955



# Vastelaovends Kallepin

## HARRY HARDY STICHTING

De Stichting is ummer op zeuk naor geldbronne. Dekes door donaties, bedelbrevete te sjikke en gewoen lui te benadere en te vraoge. Noe woort te veer euvervalle door d'n hier Cobben vaan de supermerret op de Glacisweeg. Heer verkoupt 2de hands beuk en de oprings geit naor 'n vereininging, stichting of anderszins, die in eder geval de chariteit es prioriteit stèlle. De Harry Hardy Stichting woort bizunder en aangenaom verras toen veer in de supermerret mooste koume en dao 'nne cheque in us han geduid kraoge vaan € 600,00. Verpopzak verlete veer de zaak en zag te tege mekaar: zuuste de chariteit op St. Pieter is neet doed en v'r hove ouch neet mie zoe wied te zeuke. Hier Cobben en mètwerkers: Grande merci naomes de chariteit.



**WIJKOPERIJ ST. PIETER**  
Glacisweg 30 E, 6212 BP Maastricht  
T: 043-3215389  
E: [wijnkoperijstpieter@mac.com](mailto:wijnkoperijstpieter@mac.com)

**visschedijk**  
makelaardij

Veer winse uuch  
'ne sjoene Vastelaovend

Visschedijk Makelaardij  
Luikerweg 42 - 6212 EW Maastricht  
Tel: 043-3101890 - Fax: 043-3101891  
[info@visschedijkmakelaardij.nl](mailto:info@visschedijkmakelaardij.nl)  
[www.visschedijkmakelaardij.nl](http://www.visschedijkmakelaardij.nl)

**HAARVERZORGING**  
FRIJNS



**Helga Ubachs**

Luikerweg 46, 6212 EW Maastricht  
Telefoon 043-3212069

van der Put

ontwerp en realisatie  
complete bodkamers  
plafonds  
tegelwerken  
schilderwerken

Lou van der Put  
Mergelweg 32  
6212 XH MAASTRICHT  
Mob. 06-46084560  
e-mail [vdput@hetnet.nl](mailto:vdput@hetnet.nl)

gedrukt bij **hellinx**  
printing

## PRINS IVO I

Op zaaterdag 2 fibberwarie 2019 woort d'n 64ste Prins van Luikse Vrijheid St. Pieter Ivo Rulkens oetgerope en geïnstalleerd es:

### GRAMINA METENTIS – VOLUNTARIUS SUPERIOR - MUSICUS

Dao op 't sjevot woort heer same mèt zien vruiwke Maud en de poete Lin en Bo veurgesteld aon de euvolle viefsprunk. Nao de ceremonie prottecolaire kraoge nog alle kinder e tuutsje snop en trokke v'r allemaal naor de Tapijnkazern (veur wie lang nog?). De Prinselekke receptie woort weer ins awwerwets gezellig. Nao de receptie woorte veer weer hartelek oontvaange bij de Sjans, boe veer door Koen getraakteerd woorte op Vastelaovendsfrie met zoervleis. Nao tot de buukskes good gevöld waore, stoonte de Biesländer Muzikante al op us te wachten en zien veer mèt hun euver St. Pieter getrokke riechting Treech aon de Maos. Dat woort 'nne aovend, boe veer zaogte tot Prins Ivo al e stökske leet zien van wat us nog te wachte stoont. Dit woort al de veurbode van 'n magniefiek Vastelaovendsezoen.



## Tennisbaan De Burght

Wat? Veureg jaor bij Kimbria en noe weer naor 'n tennisbaan? Vriedag 1 fibberwarie 2019 woorte veer allemaal verwach bij Tiny in kaffee d'n Doolhaart op de Mergelweeg. Dao kraoge v'r ierts weer 'n soortemint legkpuuzel veur us kieze mèt verknip-te kiekpleetsjes. Este ouch al get bei-ein kos plakke, woort 't nog 'n pinnetentie um d'r oet wies te koume. Dat lökte ouch geine van us. Daan mer de böskes in, die us op versjellende plaatse in Hier oetzatte. De plaats van bestumming: tennisbaan de Burght. Op baan 1 waore 4 verkleide manslui 'n soort sjiennis aon 't speule in d'n duuster. Tösse die veer maan leep dus ouch de nuie. Vraoge stèlle, naor de sjeun loere, kinste de stum. Ouch dat mysterie woort neet geraoje. En toen traditioneel op de meziek van de Graaf van Waldersee góng-e ein veur ein de maskers aof en es lèste kaom Ivo Rulkens onder 't mombakkes oet. Ouch zien vrouw Maud woort toen eindelek verlos en mocht oet 't kleidlokaal koume. D'n aovend woort hartstikke gezellig en es 't puntsje op de i heet Gabe Kruse us nog muzikaal getraakteerd op lekkere meziek. Mèt daank aon Ron Nieste en zien vrouw, die us de ganse aovend good verzörg höbbe. Gaw boizeke doen, want mörge 2 fibberwarie woort 'nne spannende daag.



## STEUNBERE AOVEND

Veureg jaor woort 't de ierste kier op Treech en sjreve veer al tot alles klopte en tot 't veur herhaoling vatbaar woort. Belofte maak sjöld. Op 16 fibberwarie woort veer in 'Treech aon de Maos' weer mèt ope erm oontvaange door Roy en Daniëla. Aw en de nui Steunbere troffe mekaar daor op 'nne bonte aovend mèt vööl spektakel. Peter Hardy aon 't kemood, edere Steunbeer woort apaart naor vööre gehaold bij Prins Ivo, d'n hospes en hospita in topvörm, de bedening en al die Steunbere en gaste zörgde allemaal tot dit moot blieve in dee vörm en op die locatie. Chapeau aon ederein!



## ODE AON 'T MOOSWIEF

Veer höbbe al good gekleide Moosvrouwe  
Mer es 'n soortemint hommaasj  
Zjus wie bij Slevrouwe  
Kreig noe ouch 't Mooswief eindelek nui kleiaasj  
Weurt eder jaor op 'nen ope wagel  
Naor de Vriethof gebrach  
Door weer en wind en hagel  
Euver häör lippe kaom noets 'n klach



In 1954 woort zie de Patroenes  
En es pop door de Lómmelefebrik gesjoonke  
D'r woort dus progres  
Hingk daan ouch 3 daog op de Vriethof mazjèstueus te proonke  
Meh eine kier sloog 't noedlot touw  
Wie zie daor hong in al häör glorie  
Dat verdeende ze neet us Moosvrouw  
Woort zie dus bijnao historie  
Neet de natuur en dat is erg  
Zie hong dao tösse de twie kèrke  
Zie woort verbrand tot op 't merg  
Mer vuur, doog häör kleiaasj versnèrke



Is 't tot geer häör belastert of kleineert  
Gehech aon Vastelaovend en bovenal  
Is häör dat allemaal weerd  
Want zie bleif de patroenes van Treechter Carnaval  
Patroenes van uzze Vastelaovend  
En daan huur iech al moompele  
Is dat daan neet besjaomend  
Dat ze häör daan 362 daog laank verstoompele



slagerij  
**WILLEMS**  
SINDS 1890



J.J.E.A.J. (Jordie) Nulens  
MSc RA RAB  
Pastoor Kribsweg 6  
6212 BT Maastricht  
06 224 33 048  
www.nu-accountancy.nl

## SENIORE MIDDAG

Op zaaterdag 9 fibberwarie woort in de Tapijnkazern (v'r zegke nog mer ins: veur wie lang nog?) de jaarleke Seniore middag gehawwe. Traditiegetrouw zien alle seniore hei van harte welkom. Veur de ierste kier woort de middag geprizzenteerd door Ariël de Haan, dee trouwens ouch 't gans program ineingefisteröld had. Ouch al inkele jaore present is carnavalsvereniging de Pollepel van Scharwyerveld oet Malberg. De Harry Hardy Stiechting steit ouch weer garant veur de finansjele verpliechtinge mèt dank aon us sponsore.

## Seniore middag cv de Mosasaurussen

zaaterdag 1 fibberwarie 2020  
Aonvaank 13.30 oer  
Lokasie: Tapijn



Artieste:  
Comsi Comsa  
Chiara Bartels  
Roger Borgmans  
Ambras  
Get-Aanders

Oetslaag loterij  
Entree: gratis

hellinx

## AOFSLETE VASTELAOVEND 2019

Op 2 fibberwarie weurste es St. Pieterse jong van 't ein op 't aander momint Prins euver de Luikse Vrijheid St. Pieter. En daan 4 weke gaas geve...daan asselegoonsdag en daan weurt 't stèl. Meh zoe roond de 11de van de 11de weurt de waakvlam van de Vastelaovend weer aongesproke en daan begint 't dat raar geveul weer te gleuje en te breuje. Zoe ouch weer veur Ivo, dee nog ein lèste handeling moos verriechte um häöm ziene Vastelaovend van 2019 aof te slete. Vaanoet Treech aon de Maos op naor de refter van de Zonneberg, boe achterhois dat magniefieke kunstwerk van de Mosasaurus hingk mèt 63 sleutsjes. Eh...wach eve. Veer kraoge van de organisatie te hure tot 'nne camion op de Zonneberg van 't talud woort gekanteld en noe weggetakeld moos weure. Dus...ging dat feeske neet door in de berg. Toen höbbe v'r 'n twiede kunstwerk gehaold en in Treech heet IVO toch zien sleutsje aon de Maosha-gedis kinne haange. Meh...dao kump in 't seizoen nog 'n momint tot heer 't toch in de refter kin ophaange. Muzikaol woort d'n aovend nog opgeluusterd door 'Get Aanders'.




## WISSELING VAAN DE WACH

Tijdens de opening van 't nui seizoen woort Leon Ubachs door de President nog bedank veur ziene inzate es uzze habsjaar. 5 jaor laank heet heer us sjatkis bewaak. Heer heet noe 't finansjeel stekske euvergegeve aon Guus vd Nat, dee geïnstalleerd woort mèt 't geldbugelke es herkinbaar zjuwielke.



Pedicuresalon  
"Op Goede Voet"

Layla Blomberg-Habets  
Glacisweg 16  
6212 BP Maastricht  
tel. 043 - 3250795  
Behandeling volgens afspraak



Fruithandel Vroegop  
Glacisweg 30-D  
6212 BP Maastricht  
043 321 6076